

新建曹繩彥輯

六冊

古今醫方類編

上海大東書局發行



新建曹繩彥鞠菴氏手集

族甥閔其昌校對

小兒科

小兒諸病門

初生不啼

全幼心鑑 取冷水灌之外以葱白莖細鞭之即啼

初生貼顙

危氏得效方 頭熱鼻塞者天南星炮為末水調貼顙上炙手熨之

初生宜用

全幼心鑑 小兒初生浴湯中入鹽少許拭乾以膩粉少許摩其身既不畏風又散諸氣

王璵選方 初生解毒小兒初生未可便與硃砂蜜只以甘草一指節長炙碎以水二合煮取一合以

綿染點兒口中可為一蜣殼當吐出胸中惡汁此後待兒饑渴更與之令兒智慧無病出痘稀少

王海藏湯液本草 預解胎毒小兒初生以黃連煎湯浴之不生瘡及丹毒 又方未出聲時以黃連

煎汁灌一匙令終身不出斑已出聲者灌之斑雖發亦輕此祖方也

簡要濟眾 新生小兒益母草五兩煎水浴之不生瘡疥



本草方 解下胎毒小兒初生嚼生脂麻綿包與兒啞之其毒自下

蘭氏經驗方 小兒初生大小便不通用真香油一兩皮硝少許同煎滾冷定徐徐灌入口中即通

肘后方 小兒初生三日應開腸胃助穀神者碎米濃作汁飲如乳酪頻以豆許與兒飲之二七日可與哺慎不得與雜藥也

姚和衆方 嬰孩初生七日助穀神以導達腸胃研粟米者粥如飴每日哺少許

姚和衆方 小兒初生猪膽入湯浴之不生瘡疥

發明 時珍曰小兒體屬純陽其驚癇亦生於風熱猪乳氣寒以寒治熱謂之正治故錢乙云初生小兒至滿月以猪乳頻滴之最佳張煥云小兒初生無乳以猪乳代之出月可免驚癇痘疹之患楊士瀛云小兒口噤不開猪乳飲之甚良月內胎驚同硃砂牛乳少許抹口中甚妙此法諸家方書未知用予傳之東宮吳觀察子病此用之有效

姚和衆方 初生三日去驚邪辟惡氣以牛黃二豆許以赤蜜如酸棗許研勻綿蘸令兒吮之一日令盡

錢氏小兒方 初生胎熱或身體黃者以真牛黃二豆大入蜜調膏乳汁化開時時滴兒口中形色不實者勿多服

初生不乳



聖惠方 咽中有噤物如麻豆許用水銀米粒大與之下咽即愈

普濟方 百日内小兒無故口青不飲乳用凌霄花大藍葉芒消大黃等分為末以羊髓和凡搗淨大
每研一丸以乳送下便可吃乳熱者可服寒者勿服昔有人休官後雲遊湖湘修合此方救危甚多

小兒丹煩

子母秘錄 柳葉一斤水一斗煮取汁三升搗洗赤處日七八度

小兒熱丹

錢乙小兒方 白善土一分寒水石半兩為末新水調塗

千金方 小兒赤丹屋塵和臘豬脂傅之

衛生易簡方 小兒丹毒向陽燕窠土為末鷄子白和傅

肘后方 多年竈下黃土末和屋漏水傅之新汲水亦可鷄子白或油亦可乾即易

千金方 唾和胡粉從外至內傅之良

陳氏本草 燒鐵淬水飲一合

千金方 鍛鐵屎研末豬脂和傅之

集元方 寒水石末一兩和水塗之

經驗方 皮膚熱赤寒水石半兩白土一分為末米醋調塗之

秘錄方 藍澱傅之



南京中醫藥大學圖書館藏

千金方 熱毒丹瘡用慎火草搗汁拭之日夜拭一二十遍一方入苦酒搗泥塗之 楊氏產乳治烟
火丹毒從兩脚兩脇起赤如火景天草真珠末一兩搗如泥塗之乾則易

千金方 小兒丹毒生麻油塗之

兵部手部 小兒赤丹用土番黃米粉和鷄子白塗之

兵部手集 嚼粟米傳之

千金方 丹毒濃煮大豆汁塗之良

全幼心鑑 丹腫綠豆五錢大黃二錢為末用生薄荷汁入蜜調塗

姚和衆方 丹毒作瘡出水豉烟盡為末油調傳之

譚氏方 赤丹胡荽汁塗之

廣利方 火丹熱如火遠臍即損人馬芎搗塗

千金方 丹毒從兩股走及陰頭用李根燒為末以田中流水和塗之

千金方 火丹桑根白皮煮汁浴之或為末羊膏和塗之

千金方 丹毒水煮棘根汁洗之

刪繁方 丹毒浸淫走串皮中名火丹以蟬螬搗爛塗之

千金方 丹毒從髀起流下陰頭赤腫出血用鯽魚肉切五合赤小豆末二合搗勻入水和傳之
本草方 火丹猪肉切片貼之



南京中醫藥大學圖書館藏書

丹從臍起

本事方 檳榔末醋調傅之

小兒赤遊

子母秘錄 上下遊行至心即死蒲薺煎汁洗之

張傑子母秘錄 行于上下至心即死松葉搗傅之即止

小兒丹瘤

全幼心鑑 遊走入腹必死初發急以截風散截之自是寒水石為末生葱汁調塗

修真秘旨方 丹瘤莖麻子五個去皮研入麪一匙水調塗之甚妙

外科精義 小兒丹瘤木鼈子仁研如泥醋調傅之一日三五上效

小兒初生作吐

外臺秘要 不止者用蘧條少許同人乳二合鹽二粟許煎沸入牛黃粟許與服此劉五娘方也

飲乳不快

主治蘇頌 似喉痺者取羊牛角燒灰塗乳上嚥下即瘥出崔元亮方

初生無皮

主治時珍 無膚色赤因受胎未得主氣也取車輦土碾傅之三日後生膚

聖濟方 無皮色赤但有紅筋者乃受胎未足也用早白米粉撲之肌膚自生



南京中醫藥大學圖書館版權所有

初生冒寒

主治時珍 小兒初生因冒寒氣欲絕者勿斷臍急烘絮包之將胎衣烘熟用燈炷於臍下往來燎之暖氣入腹內氣回自甦又燒銅匙柄熨烙眼弦內去風退赤甚妙

小兒吃土

救急方 用乾黃土一塊研末濃煎黃連湯調下

經驗方 及腹肚用膩粉一分沙糖和丸麻子大空心米飲下一丸良久泄出泥土瘰

保幼大全 疳蟲食土及生物研綠礬末猪膽汁丸綠豆大每米飲下五七丸

姚和衆童子秘訣 取好黃土煎黃連汁搜之曬乾與食

姚和衆方 買市中羊肉一斤令人以繩繫于地上拽至家洗淨炒炙食或煮汁亦可

小兒夜啼

主治時珍方 小兒邪熱在日夜啼不止以燈花二三顆燈心湯調抹乳吮之

普濟方 伏龍肝末二錢硃砂一錢麝香少許為末蜜丸綠豆大每服五丸桃符湯下

聖惠方 明鑑掛牀腳上

集簡方 燒尸場土置枕邊

子母秘錄 水服胡粉三大豆許日三服

普濟方 硫黃二錢半鉛丹二兩研勻瓶固煨過埋土中七日取出飯丸黍米大每服二丸冷水下



南京中醫藥大學圖書館藏

普濟方 前胡搗篩蜜丸小豆大日服一丸熟水下至五六丸以瘥為度

聖濟總錄 劉寄奴半兩地龍炒一分甘草一寸水煎灌少許

生生編 青黛量大小水研服之

生生編 黑牽牛末一錢水調傳臍上即止

藏器方 用井口邊草私着席下勿令母知

聖惠方 乳香一錢燈花七枚為末每服半字乳汁下

主治大明 驚癇及夜啼將仙人杖置身伴睡良

生生編 夜啼用本兒初穿毛衫兒放瓶內自不哭也

主治時珍方 撥火杖止小兒驚忤夜啼

岫嶠神書 客忤夜啼用本家廚下燒殘火柴頭二箇削平焦處向上硃砂書云撥火杖撥火杖天上

五雷公差來作神將捉住夜啼鬼打殺不要放急急如律令書畢勿令人知安立床前脚下男左女右

子母秘錄 輒帶懸戶上即止

楊起簡便方 五倍子末津調填于臍內

心鑑 治小兒一百二十日內夜啼用蟬蛻大十九個去前截用後截為末分四服鉤藤湯調灌之

普濟蟬花散 治小兒夜啼不止狀若鬼祟蟬蛻下半截為末一字薄荷湯入酒少許調下或者不信

將上半截為末煎湯調下即復啼也古人立方莫知其妙



南京中醫藥大學圖書館藏 版權所有

日華本草 鷄窠草安席下勿令母知

聖惠方 猪屎燒灰淋汁浴兒并以少許服之

主治日華方 將猪窠中草窠安席下勿令母知

主治藏器方 取狗頸下毛絳囊盛繫兒背上

食療方 牛屎一塊安席下勿令母知

總錄方 馬蹄末敷乳飲之

主治時珍方 馬骨末敷乳頭飲兒止夜啼出小品外臺諸方

姚和衆方 用大蟲即虎眼睛一隻為散以竹漚調少許與喫

本草方 小兒哭瘡梳垢水服少許

夜啼腹痛

綱目下 時珍曰樹孔中草主小兒腹痛夜啼暗着戶上即止出聖惠方

危氏得效方 夜啼腹痛面青冷證也用大蒜一枚煨研日乾乳香五分搗丸芥子大每服七丸乳汁

下

聖惠方 麝蟲炙為藥各二錢為末每用一字乳汁調下

聖惠方 牛黃一豆許乳汁化服仍書田字于臍下

小兒嘔啼



聖惠方 小兒五十日以來胎寒腹痛嘔啼弄舌微熱而驚此癇候也猪腎一具當歸一兩焙以清酒一升煮七合每以杏仁大與嚙之日三夜一

總錄 面青腹強是忤客氣新馬糞二團絞汁灌之

小兒傷乳

保幼大全 腹脹煩悶欲睡大麥麩生用水調一錢服白麩微炒亦可

保幼大全 燒鼠二枚為末日服二錢湯下

小兒驚啼

聖惠方 白玉二錢半寒水石半兩為末水調塗心下

普濟方 黃芩人參等分為末每服一字水飲下

活幼口議 啼而不哭煩也哭而不啼躁也用蟬蛻二七枚去翅足為末入硃砂末一字蜜調與兒吸之

主治藏器方 小兒驚啼發歇不定用臘月縛猪繩燒灰水服少許

小兒吐乳

聖惠方 取田中地龍糞一兩研末空心以米湯服半錢不過二三服效

活幼口議 嘔乳不止服此立效臘粉一錢鹽豉七粒去皮研勻丸麻子大每服三丸藿香湯下

危氏得效方 胃寒者白豆蔻仁十四個縮砂仁十四個生甘草二錢炙甘草二錢為末常摻入乳口



南京中医药大学图书馆版权所有

中

保幼大全 不止蓬莪莪少許鹽一綠豆以乳一合煎三五沸去滓入牛黃兩粟大服之其效也
全幼心鑑 用鹹鼓七個去皮膩粉一錢同研丸黍米大每服三五丸藿香湯下

陳文仲小兒方 小兒百日晷內吐乳或糞青色用年少婦人乳汁一盞入丁香十枚陳皮去白一錢
石器煎一二十沸細細與服

劉涓子鬼遺方 人乳二合蓬莪莪少許鹽二粟大同煎沸入牛黃米許與服

小兒乳癖

本草權度 乳癖白芥子研末水調攤膏貼之以平為期

本草方 寇曰凡小兒膈下硬如有物乃俗名奶癖也只服溫脾化積丸藥不可轉瀉用黃鷹屎一錢
蜜陀僧一兩舶上硫黃一分丁香二十一個為末每服一字三歲以上半錢用乳汁或麪湯調下並不
轉瀉一復時取下青黑物後服補藥以醋石榴皮炙黑半兩蚘蚘一分木香一分麝香半錢為末每服
一錢薄酒調下連喫二服

初生腫泡

救急方 小兒初生遍身如魚脰又如水晶破則成水流滲又生者蜜陀僧生研撒之仍服蘇合香丸

姚和衆至寶方 六日解胎毒溫腸胃壯氣血朱砂豆大細研蜜一棗大調與吮之一日令盡

小兒吐逆



謝氏小兒方 不止宜此清鎮燒針丸用黃丹研末小棗肉和丸芡子大每以一九針簽于燈上燒過研細乳汁調下一加硃砂枯礬等分

保幼大全 不定虛風喘急白附子藿香等分為末每米飲下半錢

咎殷食醫心鏡 壯熱食癰葛粉二錢水二合調勻傾入錫鑊中重湯盪熟以糜飲和食

全幼心鑑 不止丁香生半夏各一錢薑汁浸一夜晒乾為末薑汁打麩糊丸黍米大量大小用薑

湯下

袖珍方 不定用五倍子二個一生一熟甘草一握濕紙煨過同研為末每服半錢米泔調下豆

小兒吐瀉

錢乙小兒方 黃色者傷熱也玉露散用石膏寒水石各五錢生甘草二錢半為末滾湯調服一錢

錢氏小兒方 不拘冷熱驚吐反胃一切吐利諸治不效者三氣散用硫黃半兩水銀二錢半研不見

星每服一字至半錢生薑水調下其吐立止或同炒結砂為丸

全幼心鑑 注下小便少白龍丸用熟附子五錢白石脂煨龍骨煨各二錢半為末醋麩糊丸黍米大

每米飲量兒大小服

錢乙小兒方 脾胃虛寒齊州半夏泡七次陳粟米各一錢半薑十片水浸半煎八分溫服

子母秘錄 芹菜切細煮汁飲之不拘多少

劉氏小兒方 丁香橘紅等分煉蜜丸黃豆大米湯化下

子母秘錄 藿亂訶黎一枚為末沸湯服一半未止再服

危氏得效方 吐泄巴豆一個針穿燈上燒過黃蠟二豆大燈上燒滴入水中同杵丸黍米大每用五
七丸蓮子燈心湯下

本草方 癰亂卒起者用白狗屎一丸絞汁服之

本草方 梳垢水服少許

千金方 尿滓末乳上服之良

小兒胎風

衛生易簡方 手足搐搦用蚕休即白甘遂又名紫河車為末每服半錢冷水下

初生胎熱

全幼心鑑 黑豆二錢甘草一錢入燈心七寸淡竹葉一片水煎

錢氏小兒方 或身體黃者以真牛黃一豆大入蜜調膏乳汁化開時時滴兒口中形色不實者勿

多服

小兒胎毒

聖惠方 淡豉煎濃汁與三五口其毒自下又能助脾氣消乳食

四聲本草 初生時以韭汁少許灌之即吐出惡水惡血永無諸疾

小兒邪癰



經驗方 以麝香研墨書去邪辟魔四字於額上

小兒胎寒

保幼大全 軀啼發癰白礬煨半日棗肉丸黍米大每乳下一丸愈乃止最良

肘后方 好啼晝夜不止因此成癰當歸末一小豆大以乳汁灌之日夜三四度

聖惠方 腹痛汗出用衣中白魚二十七枚絹包于兒腹上回轉摩之以愈為度

小兒瘡癰

劉涓子鬼遺方 壯熱不寒黃丹二錢蜜水和服冷者酒服名鬼哭丹

保幼大全 無計可施代赭石五枚煨紅醋淬硃砂五分砒霜一豆大同以紙包七重打濕煨乾入麝

香少許為末香油調一字塗鼻尖上及眉心四肢神應

水鑑仙方 歌曰瘡是邪風寒熱攻直須術治免成空常山刻作人形狀釘在孩兒生氣宮如金生

人金生在巳即釘巳上木生人釘亥上火生人釘寅上水土生人釘申上也

千金方 用鷄臙脰黃皮燒存性乳服男用雌女用雄

千金方 鹿角生研為末先發時以乳調一字服

溫居士方 烏猫屎一錢桃仁七枚同煎服一盞立瘥

小兒魛病

千金方 寒熱如泔用冬瓜篇蓄各四兩水二升煎湯浴之



直指方 以紅紗袋盛夜明砂佩之

小兒熱瀉

十全博救方 黃蘗削皮焙為末用米湯和丸粟米大每服一二十九米湯下

小兒無辜

子母秘錄 疳下痢赤白胡粉熟蒸熬令色變以飲服半錢

聖惠方 疳病肚脹或時瀉痢冷熱不調以漏蘆一兩杵為散每服一錢以猪肝一兩入鹽少許同煮熟食空心頓食之

崔知悌方 閃癖瘰癧或頭乾黃蘗或下痢下瘕諸狀多者大黃煎主之太黃九兩錦紋新寔者微朽即不中用削去皮搗篩為散以好米醋三升和至瓦盆中於大鑊內浮湯上炭火慢煮候至成膏可丸乃貯器中三歲兒一服七丸梧子大日再服以下出青赤膿為度若不下或少稍稍加丸若下多又須減之病重者七八劑方盡根大人亦可用之此藥惟下宿膿不令兒利也須禁食毒物乳母亦禁之一加木香一兩半

小兒疳瀉

斗門方 赤石脂末米飲調服半錢立瘥加京芎等分更妙

衛生總微論 冷熱不調胡黃連半兩綿薑二兩炮為末每服半錢甘草煎湯下

小兒滑泄

全幼心鑑 白龍丸白石脂白龍骨等分為末水丸黍米大每量大小木瓜紫蘇湯下

全幼心鑑 肉豆蔻五錢乳香二錢半生薑五片同炒黑色去薑研為膏收旋丸綠豆大每量大小米飲下

瀉後不乳

發明 時珍曰好古曰昔有小兒瀉後眼上三日不乳目黃如金色氣將絕有名醫曰此慢驚風也宜治肝用水飛代赭石末每服半錢冬瓜仁煎湯調下果愈

小兒久瀉

全幼心鑑 脾虛米穀不化不進飲食溫白丸用白木炒二錢半半夏麴二錢半丁香半錢為末薑汁麴糊丸黍米大每米飲隨大小服之

小兒脾瀉

孫真人集效方 不止紅棗二十個去核將官粉入內以陰陽瓦焙乾去棗研粉每服三分米湯下

小兒蠱痢

子母秘錄 生薑汁即生地黄一升二合分三四服立效

小兒下痢

食醫心鏡 赤白水痢雲母粉半兩煮白粥調食之

子母秘錄 赤白多時體弱不堪以宣連用水濃煎和蜜日服五六次

外臺方 赤白用麻油一合搗和蜜湯服之

子母秘錄 赤白體弱大困者麻子仁三合炒香研細末每服一錢漿水服立效

全幼心鑑 神仙救苦散小兒赤白痢下日夜百行不止用罌粟殼半兩醋炒為末再入銅器炒過橫

柳半兩炒赤研末各收每用等分赤痢蜜湯服白痢沙糖湯下忌口味

孟詵食療方 赤白鷄腸草搗汁一合和蜜服甚良

子母秘錄 林擒構子同杵汁任意服之

全幼心鑑 赤白用巴豆煨熟去油一錢百草霜二錢研末飛羅麪煮糊丸黍米大量人用之亦用

甘草湯白用米湯赤白用薑湯

子母秘錄 赤白作渴得水又嘔逆者構葉炙香以飲漿半升浸至水綠去葉以木瓜一個切納汁

中煮二三沸細細飲之

千金方 腹大且堅用多垢故衣帶切一升水五升煮一升分三服

張傑母子秘錄 赤白者蜂房燒末飲服五分

秘錄方 羚羊角中骨燒末飲服方寸匕

小兒赤痢

子母秘錄 搗青藍汁二升分四服

小兒洞痢

